

奘  
上反  
評曰  
二音  
上平病謬苗幼警覺  
景  
音諾瞿  
上如各反  
羯刺藍  
上居  
達反下  
中郎  
同相自  
反  
弘引字續  
上其  
子讀音  
類部彙訓  
於  
碗伽  
上陵反

伏承本寺僧華聯行堅等謹發誠心回施  
先師雲洲首座頤僧正遺下衣鉢一力雕刊  
大藏尊經壹阡卷功德專用還薦覺靈莊嚴  
報地至大三年六月日住山志明謹題

阿毗達磨大毗婆沙論卷第十二造二  
五百大阿羅漢等造三藏法師玄奘奉詔譯  
雜蘊第一中智納息第二之四  
補特伽羅既不可得又無前心後心理何  
緣能憶本所作事答有情於法由串習力得  
如是同分智隨所更事能如是知問前說無

謂能憶誰若說有情於法弟子便了有情憶  
法有情於法由串習力得如是同分智者謂  
有情智於所知法決定串習隨欲自在前後  
相似故名同分隨所更事能如是知者謂隨  
本所見隨本所受能如是憶有說此文應作  
是說隨所有事能如是知謂隨本所有體所  
有相所有我所有物所有性所有分能如是  
憶有說此文應作是說隨所住事能如是知  
謂隨本所住顯色隨本所住形色等能如是  
憶為令此義得分明故引世現喻謂如有二  
造印者能了自他所造印字雖彼二人不往  
相問汝云何造此字亦不相答我如是造此

字而彼二人由慣習力得如是同分智能了自他所造印字有情亦余由慣習力乃至廣說此中能書者皆名造印者如彼二人雖不相問亦不相答而由慣習力得如是同分智能了自他所造印字乃至海外書來亦能讀知有情亦余雖無真實補特伽羅亦無前心往後心理而由慣習力得如是同分智隨所更事能如是知復令此義重分明故引第二喻又如有二知他心者互相知心雖彼二人不往相問汝云何知我心亦不相答我如是知汝心而彼二人由串習力得如是同分智互相知心有情亦余由慣習力乃至廣說此中知他心者謂得他心通者如彼二人雖不相問亦不相答而由慣習力得如是同分智互相知心乃至百踰繕那外亦相知心有情亦余雖無真實補特伽羅乃至廣說問若異心所更異心能憶者云何不天授能憶耶荅彼相續異故

造二

前心後心相續無異不應爲難有說彼心相望無因義故前心能與後心爲因不應爲難有說彼二身心不相屬故前後身心既相繼屬故先所更後能記憶問若心相屬即能憶者何不見異牛而憶是前牛答若於曾受今見相似則能記憶若雖曾受今見不相似便不能憶日初分所更日後分能憶日後分所更日初分能憶前後所見身相似故復次一切心心所法於所緣定安住所緣此於所問是勝義根本答所以者何如見蘊說若法與彼法作所緣或時不與彼法作耶荅無時非所緣以心心所於所緣定安住所緣不可移轉是故能憶本所作事謂於一所緣有無量心心所聚轉此一所緣如以此理趣以此性類以此法式與一心心所聚作所緣事與餘無量心心所聚作所緣事亦余如一心心所聚以此理趣以此性類以此法式領能憶祠授所更天授能憶耶荅彼相續異故受此所緣餘無量心心所聚領受此所緣亦

余譬如一人而有百子此一人如於一子作父事於餘子亦余如一子於父作子事餘子於父亦余此中眼識及相應法於色所緣定乃至意識及相應法於一切法所緣定此色與眼識及相應法爲所緣者無時非所緣乃至此法與意識及相應法爲所緣者無時非

造二

三

所緣以一切心心所法各能領受自所緣故由此無有餘心聚所更餘心聚能憶問云何心心所法於所緣定爲於處定爲於青等定爲於剎那定耶此中有說惟於處定所以者何勿有無量心心所法住不生法中故問云何於處定答眼識及相應法於色處定乃至身識及相應法於觸處定意識及相應法於法處等定如一眼識若遇青色和合現前則緣青起若遇黃等和合現前則緣黃等起如是餘識於自所緣亦惟處定彼不應作是說所以者何若余者應一覺有多了性一法多體不應道理識身論說復云何通如說過去

眼識惟緣過去色非未來現在有餘欲避如是過失說心心所法於所緣處定亦於青等定非於剎那定所以者何勿有無量心心所法住不生法中故問云何亦於青等定耶答緣青等心心所其體各異若遇青色和合現前則生緣青心心所法若遇黃等和合現前則生緣黃等心心所法彼亦不應作如是說所以者何青有多種謂青根青莖青枝青葉青華青果黃等亦余應緣根等覺即是緣莖等覺若余一覺有多了性一法多體不應道理亦與識身論所說相違如前說如是說者心心所法於三事定問若余則應無量心心所法住不生法中答斯有何過未來世寬無容處耶然彼本來已有住處故不應難問心心所法如於所緣定於所依亦定不設余何失若於所依亦定者何故此中但說於所緣定不說於所依定耶品類足說復云何通如說云何有俱有法答一切有漏法及有漏法

俱生無漏法若於所依不定者何故於所緣定於所依不定耶答於所依亦定然心心所法在未來世與所依遠現在則俱過去復遠有說在未來世與所依遠現在過云與所依俱有說三世皆與所依俱問若余何故此中不說答此中但欲說憶本所作所憶者是所

造二四

緣非所依故問品類足說後云何通答彼文應作是說云何有俱有法答一切有爲法而不作是說者彼文顯示有用聖道不說無用故不相違有說彼文顯示聖道依他力得依他力起故但說與有漏法俱生者問若心心所法於所緣定於所依亦定者彼於何位取所緣耶乃爲於生時爲於滅時設余何失若生時者生時在未來云何未來法能有所作若滅時者即乃滅時諸法衰退散壞云何此位能取所緣答應言滅時間云何衰退散壞之法能取所緣答諸有爲法性羸劣故不自依故依他轉故無作用故不自在故隨於何

位若遇所依所緣和合即於彼位能取所緣惟於滅時有此和合有說生時是未來世未來諸法無作用故不能取所緣滅時是現在世現在諸法有作用故能取所緣若滅時不取所緣者則心心所法畢竟不能取於所緣勿有斯過故於滅時能取所緣

又以受意爲因力強念便不忘應知此中前生心聚以意聲說後生心聚以念聲說然受意有二種一受行相意二受所緣意且如於增上忍有二心受彼行相不受彼所緣謂苦類智忍苦類智相應有二心受彼所緣不受彼行相謂集法智忍集法智相應有三心受

造二五

彼行相亦受彼所緣謂世第一法苦法智忍苦法智相應餘心不受彼行相亦不受彼所緣謂餘忍智相應如於增上忍於餘心隨應廣說亦余受行相所更受所緣能憶受所緣所更受行相能憶復有二種意一染污二不染污一一所更二種能憶復有三種意謂善

不善無記一一所更三種能憶復有四種意謂善不善有覆無記無覆無記一一所更四種能憶復有四種意謂彼因彼等無間彼所緣被增上一一所更四種能憶復有五種意謂見苦所斷乃至修所斷此中見苦所斷所更五種能憶見集修所斷所更亦尓見滅所斷所更四種能憶除見道所斷見道所斷所更四種能憶除見滅所斷復有五種意謂善不善有覆無記如理所引無覆無記不如理所引無覆無記此中有說善所更二種能憶謂善如理所引無覆無記如理所引無覆無記所更亦尓不善所更三種能憶謂不善有覆無記不如理所引無覆無記有覆無記不如理所引無覆無記所更亦尓如是說者一所更五種能憶復有六種意謂眼識乃至意識五識所更意識能憶意識所更六識能憶復有十二種意欲界有四謂善不善有覆無記無覆無記色界有三謂前四除不善無

色界亦尓無漏有二謂學無學欲界善所更十二種能憶不善色界善所更亦尓欲界有覆無記所更八種能憶謂除色界有覆無記無色界三欲界無覆無記所更亦尓色界有覆無記所更十種能憶除欲界二無記無色界善所更亦尓色界無覆無記所更十種能憶除無色界二無記無色界有覆無記所更九種能憶除欲界二無記及色界無覆無記無色界無覆無記所更亦尓學所更十一種能憶除欲界有覆無記無學所更若退法者如學說若不退法者七種能憶除學及四染污由前受意爲因力強於彼所緣引生後念造二  
六

非不念義所以者何無有少法名不念故同分有三種謂加行同分所緣同分隨順同分加行同分者如有先誦素怛纏藏中間忘失後因如前所作加行還得記憶先誦毗奈耶阿毗達磨藏亦尔如是先起不淨觀中間忘失後因如前所作加行還得記憶先起持息念界方便亦尔曾聞有婆羅門子先誦得四吠陀書中間忘失復溫誦之盡斯方便不能通利便往師所具述因緣師即問言汝先誦時以何加行答言本時手繩口誦師言汝當如本加行彼隨師教一切皆憶所緣同分者如有先見如是園林泉池山谷經行處等中間忘失後見相似園林等時一切皆憶隨順同分者如得隨順飲食衣服卧具房舍說法人等則能憶念先所更事曾聞有一苾芻先誦得四阿笈摩中間忘失復溫誦之盡其方便不能通利便往尊者阿難陀所問其因緣尊者答言汝今可往以油塗身溫室洗浴求

造二

七

諸隨順衣服飲食卧具房舍說法人等茲芻依教悉還通利如是同分相續轉時於法能起相屬智見問起誰相屬答三種同分有異誦言於法能起連續智見即是起長時流注相續知見義復有誦云於法能起次第智見即是起彼周徧行列智見義復有誦言於法能起無礙智見即是起無滯無著無斷智見義復有誦言於法能起無障智見即是起離障伏所治勝怨敵智見義以受意爲因力強念便不忘應知此中前生心聚以意聲說後生心聚以念聲說受意言如前釋由前受意爲因力強於彼所緣引生後念中間雖忘而後復憶不忘言如前釋

何緣有情憶而復忘答有情異分相續轉時於法不起相屬智見此中忘者是失念義廣說如前異分有三種謂加行異分所緣異分隨順異分加行異分者如有先誦素怛纏藏中間忘失捨之復誦毗奈耶或阿毗達磨藏

後皆不憶先誦毗奈耶阿毗達磨藏亦如是先起不淨觀中間忘失捨之復起持息念或界方便後皆不憶先起持息念界方便亦余所緣異分者如有先見如是園林泉池山谷經行處等中間忘失後更不見彼相似相於前所更不復能憶隨順異分者如有不得

隨順飲食衣服等事於前所更不能復憶如是異分相續轉時於法不起相屬智見問不起誰相屬答三種同分此中亦有四種異誦與前相違應廣說又以受意爲因力劣念便忘失應知此中前生心聚以意聲說後生心聚以念聲說受意言如前釋由前受意爲因力劣於彼所緣不生後念中間雖憶而後復忘忘者謂心狂亂苦受所逼尊者世友說曰由三因緣念便忘失一不善取前相故二異分相續現行故三失念故復作是說由八因緣念便忘失一者生時生苦所逼故念便忘失二者死時死苦所逼故三者餘語多現行

故四者根鈍依餘智故五者生非受趣苦受所逼故六者五根於境馳散不息多放逸故七者重煩惱障數現行故八者不數修定心散亂故念便忘失

問何等智所更念有忘失聞所成耶思所成耶修所成耶生得等耶有說聞思所成及生

得等所更念有忘失非修所成定力所持無忘失故有說修所成所更亦有忘失身羸弱故謂有得定身羸弱者心亦羸弱故彼所更亦有忘失問何處有忘念耶答在欲界非色無色界於五趣中皆有忘念有說地獄無有忘念以恒忘故問何等補特伽羅有忘念耶答異生聖者皆有忘念聖者中預流一來不還阿羅漢獨覺皆有忘念惟除世尊以佛成就無忘失法故云何知然答經爲量故如說舍利子假使諸苾芻衆以牀座與我行經百年欲令如來無上慧辯有少退失無有是處故知佛具無忘失法

造二

八

如象跡喻契經中說舍利子言若內意處不壞外法處現前及能生作意正起余時意識生問意云何壞答有三種壞一暫時壞二盡衆同分壞三究竟壞暫時壞者謂善心無間不善無記心現前余時名爲善心暫壞乃至無記心無間善不善心現前余時名爲無記

造三九

心暫壞如是欲界心無間色界不繫心現前

余時名爲欲界心暫壞乃至不繫心無間三界心現前余時名爲不繫心暫壞若入無想滅盡等至余時名爲一切心暫壞盡衆同分壞者謂斷善根者善心有盡衆同分壞離欲染異生不善心有盡衆同分壞如是等究竟壞者謂苦智已生集智未生三界見苦所斷心究竟壞乃至滅智已生道智未生三界見苦集滅所斷心究竟壞預流者三界見所斷心究竟壞不退法一來者三界見所斷及欲界修所斷六品心究竟壞不退法不還者三界見所斷及欲界修所斷染污心究竟壞不

退法阿羅漢三界見修所斷染污心究竟壞不退法異生離欲染者欲界染污心究竟壞乃至離無所有處染者八地染污心究竟壞尊者世友說曰意若遇和合緣不名爲壞若不遇和合緣則名爲壞復作是說意若不爲相違因所障不名爲壞若爲相違因所障則名爲壞

何緣祭祀餓鬼則到非餘趣耶乃至廣說問何故作此論答爲釋經故如契經說生聞婆羅門來詣佛所白佛言喬答摩我有親里命過欲施其食彼爲得我食不世尊告言此事不定所以者何諸有情類有五趣別若汝親里生地獄中食地獄食以自存活彼不能受汝食生傍生趣天趣人趣亦復如是若汝親里生鬼趣中則能受汝所施飲食婆羅門言若我親里不生鬼趣所施飲食誰當受之佛語彼言餓鬼趣中無汝親里無有是處乃至廣說彼經雖作是說而不說何緣祭祀餓鬼

則到非餘彼經是此論所依根本彼所不說者今應說之故作斯論問彼婆羅門何故不問佛何緣祭祀餓鬼則到非餘答有二緣故謂彼或是利根或是鈍根若是利根自能解了不須問佛若是鈍根不能生疑故不問佛問何故世尊不爲彼說惟施餓鬼則到因緣

造二

十

答亦二緣故謂彼或是利根或是鈍根若是利根自能解了不須佛說若是鈍根非法器故佛不爲說

何緣祭祀餓鬼則到非餘趣耶答彼趣法余得如是處事生我分是故祭祀則到非餘此中問意此趣爲以下賤故到爲以高貴故到設余何失若以下賤故到者則祭祀地獄傍生彼亦應到若以高貴故到者則祭祀人天亦應到此中答意不以下賤故到亦不以高貴故到然由二緣一由彼趣法余故手由業異熟故於中先顯示彼趣法余謂彼鬼趣法余得如是處事生我分是故祭祀則到非餘

欲令此義得分明故引世現喻如鵝鴈孔雀鸚鵡舍利命命鳥等雖如意自在飛翔虛空而神力威德不大於人然彼趣法余得如是處事生我分能飛翔虛空鬼趣亦余由法余力祭祀則到餘趣不余謂如傍生趣中鵝鴈孔雀等由趣法余力能飛翔虛空久住遊戲人離神足呪術藥草欲住虛空去地四指經須臾頃猶無能者然彼神力威德不勝於人餓鬼亦余由趣法余力祭祀則到非餘欲令前義重分明故引第二喻又如一類那落迦能憶宿住亦知他心一類傍生一類餓鬼能憶宿住亦知他心及起烟焰興雲致雨作寒

造二

十一

熱等雖能作是事而神力威德不大於人然彼趣法余得如是處事生我分能作是事鬼趣亦余由法余力祭祀則到餘趣不余此中一類那落迦能憶宿住者如契經說地獄衆生作如是念大德沙門婆羅門等觀欲將來能作過患是大怖畏恒爲我等說斷欲法我

等雖聞而不能斷今因欲故受大苦惱又作是念我等昔於淨行沙門婆羅門等作邪惡行由彼爲因今受此苦問彼於何時能作是念答於初生時非中後時所以者何彼初生時未受苦痛能作是念若受苦痛今生所受尚不能憶況先所受問彼住何心能作是念善耶染汚耶無覆無記耶答三種皆能問何無覆無記答威儀路非工巧處彼無工巧事故非異熟生彼異熟心是五識故問彼如是念爲在意地爲五識身答在意地非五識身五識中無此分別故問彼如是念爲憶幾生答彼惟憶一生謂所從歿來生此者有說能

憶多生乃至五百亦知他心者謂地獄中有生處得智能知他心然無事可顯問彼於何時能知他心答惟初生時所以者何若受苦痛心便悶亂故問彼任何心知他心耶答住三性心皆能知問何無覆無記答威儀路非工巧處異熟生如前說問爲在意地爲五識

身答在意地非五識身以五識身綠色法故一類傍生能憶宿住者如契經說婆羅門告餉併狗言若是我父刀提耶者可昇此座彼便昇之復語之言若是我父刀提耶者可食此飯彼便食之又復告言若是我父刀提耶者汝命終時所藏財寶今可示我彼便示之間何時能憶宿住事耶答初中後時並皆能憶問住何心憶答住三性心問何無覆無記答威儀路工巧處異熟生皆能憶問此在何識答在意地非五識身問能憶幾生有說惟能憶一生謂所從歿來生此者有說能憶多生乃至五百云何知然傳說有一

造二

十二

女人置兒一處有緣他行須更有狼負其兒去衆人捕逐而語之言汝今何緣負他兒去狼言此女五百生來常殺我子我亦於其五百生中常殺其子若彼能捨舊怨嫌心我亦捨之女言已捨狼觀此女口雖言捨而心不捨即使斷其子命而去亦知他心者謂傍生

趣亦知他心即如彼狼知女心事問何時能知答三時皆知問住何心知答住三性心問何無覆無記答威儀路工巧處異熟生皆能知問此在何識答在意地非五識一類餓鬼能憶宿住者如伽他說

我昔集珍財以法或非法他今受富樂

我獨受貧苦

問何時能憶答三時皆能問住何心憶答住三性心問何無覆無記答三種如前說問此在何識答在意地非五識身問能憶幾生答乃至五百云何知然傳聞有一女人爲鬼所執羸困欲死呪師語言汝今何故惱他女人鬼言此女五百生來常害我命我亦於其五百生中常害彼命彼若能捨舊怨嫌心我亦捨之女言已捨鬼觀此女口雖言捨而心不捨便害而去亦知他心者即如彼鬼知女心事問何時能知答三時皆能問住何心知答住三性心問何無覆無記答三種如前說問

此在何識答在意地非五識及起焰燄興雲致雨作寒熱等者此惟傍生趣能非餘趣傍生趣中惟龍能非餘類問若余經說當云何通如說有天能興雲有天能降雨有天作寒熟有天起風雷答應知彼經說龍爲天如餘經說

佛告阿難汝看天雨爲不雨耶彼亦於龍以天聲說問起焰燄等爲多龍作爲一龍耶答一龍亦能問若余何故經作是說有天能興雲有天能致雨乃至廣說答隨別所樂故作是說謂或有龍惟樂興雲或復有龍惟樂致雨餘亦如是此中焰燄雲雨等事是龍加行所引發故惟是彼龍近士用果若從龍宮所流出水非彼加行所引發故是一切有情共增上果如地獄等由趣法余力雖有如上所說事而神力威德不大於人鬼趣亦余由趣法余力祭祀則到非餘復有說者五趣皆有法余勝事謂地獄趣異熟色等斷已還續餘

趣不爾傍生趣中有能飛空興雲雨等餓鬼趣中祭祀則到人趣能受善戒惡戒修勝品善勇猛強記智力深遠天趣中欲天隨其所須應念則至色無色天有勝生勝定復有說者諸方亦有法爾勝事謂至那國雖奴僕等皆衣僧綿餘方貴勝所不能得印度等國乃至貧賤皆衣疊衣餘方貴人亦不能得迦濕彌羅國中秋時牛頭繫鑿金華鬘餘方勝人所不能得北方貧人飲蒲桃酒餘方富者亦不能得如諸方有法爾勝事餓鬼亦爾祭祀則到有說諸趣法余有異謂四趣中一一皆有生處得智惟人趣無三惡趣有如前廣說天起有能憶宿住者如伽他說我施誓多林 蒙大法王住 賢聖僧受用故我心歡喜彼亦知他心而無現事可說何時憶知等如傍生鬼隨應廣說問此生處得智為憶知幾趣有說各惟自憶知有說地獄惟憶知地獄

傍生憶知二趣餓鬼憶知三趣天憶知五趣問若傍生不知天者施設論說當云何通如說善住龍王等知帝釋心念乃至廣說答此是比知非現知故無相違過如是說者此事不定如狼及鬼憶知人故問何故人趣無此智耶答非田非器乃至廣說復次人趣有占

相智覩言相智本性念生智妙願智等覆蔽彼故如生處得智餘趣皆有惟人趣無如是祭祀惟鬼趣到餘趣不爾如是已顯示由趣法爾力祭祀餓鬼則到非餘今當顯示由業異熟復次有人長夜起如是欲如是愛樂我當娶婦為兒娶婦為孫娶婦令生子孫紹繼不絕我命終已若生鬼趣彼念我故當祭祀我由彼長夜有此欲樂是故祭祀則到非餘謂彼由起如是欲樂引發諸業生鬼趣中是故祭祀則到非餘如諸聚落城邑中人或為子孫不斷絕故或為財產轉增盛故或為富名久流傳故以法非法集諸財寶牛羊等物

於己親屬尚不欲與況施他人彼由慳貪纏  
縛心故捨人同分生鬼趣中於自舍宅水竇  
廁溷不淨處住彼有親屬追戀生苦作是念  
言彼集財產自不受害亦不施人今生何所  
遂集親里請諸沙門婆羅門等設大施會願  
此資彼捨苦受樂余時餓鬼於自住處見如

造二

十五

是事於自親里生眷屬想於其財物生已有  
想即時歡喜於福田所生信敬心於其所作  
起隨喜心便離重苦由此因緣祭祀則到問  
若余何故不名他作業他受果耶答不余彼  
於余時由生敬信隨喜心故見施功德慳貪  
過失由此增長捨相應思成順現受業得現  
法果故尊者世友說曰今所受果是先業所  
引先業有障以今業除之故無他作業他受  
果失謂彼餓鬼先世已造感飲食業但由慳  
貪障蔽心故於所飲食起倒想見不得受用  
然彼餓鬼有二種一樂淨二樂不淨彼樂淨  
者以慳貪故河見非河水見爲血所有飲食

見爲不淨樂不淨者河見乾枯水見無水滿  
飲食器悉見爲空若彼親里爲設施會彼便  
信敬起隨喜心見施功德慳貪過失捨相應  
思得增長故除想見倒彼樂淨者見河是河  
見水澄清於諸飲食皆見淨妙樂不淨者見  
河盈溢見水是水見飲食器悉皆盈滿故彼  
親里祭祀則到有作是說彼先世亦有感飲  
食業但由慳貪所覆蔽故今時感得怯劣身  
心諸飲食處必有大力鬼神守護彼怯劣故  
不能得往設復得往亦不敢食若彼親里爲  
設施會廣說乃至捨相應思得增長故令彼  
身心轉得強勝由此能至有飲食處食其飲  
食由此因緣祭祀則到是故無有他作業他  
受果失大德說曰彼先雖造感飲食業以微  
劣故未能與果若彼親里爲設施會廣說乃  
至捨相應思得增長故先所作業便能與果  
故彼親里祭祀則到由此無有他作業他受  
果失問捨相應思得增長已爲但感資具爲

亦感得勝身心耶答二種俱得勝身心者捨劣色香味觸得勝色香味捨無威德得有威德感資具者謂得飲食衣服園林宅舍等事問若生餘趣親里爲其修福業者彼亦得不答若彼亦能生於信敬隨喜之心令捨俱思得增長者亦得其福問若尔此中何故不

十六

說答應說而不說者當知此義有餘有說此中從多分說謂餓鬼中多有是事餘趣不爾故有說鬼趣多有如是業故謂造此業者多生鬼趣故有說鬼趣於人常希求故有說鬼趣飢渴所逼於一切處常有希望是故偏說此中應辯五趣義如定蘊當廣分別

說一切有部發智大毗婆沙論卷第十二 造二

串習上俱患反 諭繕上羊朱反 桐音吹陀房  
苾芻正作貲 菩薩下時扇反 阿笈下其業反  
反徒的反  
輿我上音余正作昇 祭祀下音似 喬答本云瞿曇若  
翔样下音頃領 餉下丘迦反 衣繒上詩尚反 捕步音若 飛

聲呼下衣麁上同前 覆蔽必榮反 下水寶音下  
自陵反  
廁溷下胡反 盈溢一下夷 怨劣上苦  
豆  
五百大阿羅漢等造 三藏法師玄奘奉詔譯

阿毗達磨大毗婆沙論卷第十三 造三

五百大阿羅漢等造 三藏法師玄奘奉詔譯

雜蘊第一中智納息第二之五

當言一眼見色二眼見色耶乃至廣說問何故作此論答爲止他宗顯己義故謂或有執眼識見色如尊者法敕或復有執眼識相應

乙

慧見色如尊者妙音或復有執和合見色如譬踰者或復有執一眼見色如犢子部爲止如是他宗異執顯示己宗二眼見色故作斯論所以者何若眼識見色者識應有見相然識無見相故不應理若眼識相應慧見色者耳識相應慧亦應聞聲然慧無聞相故不應